

sche es durch einander/lesche den Staal in diesem Wasser wol glüend
4. oder 5. mal auß/vnd laß auß diesem Staal Messer oder Schwerd-
ter schmieden/so schneiden sie das Eisen wie Bley.

**Ein Böhler hart zu machen/ daß er durch ein
Eisen bohre.**

Nim Hauswurk/seud sie in Wasser/vnd härte den Böhler da-
mit/oder andere Waffen.

**Daß ein Eisen das andere
schneidet.**

Mache ein Messer gar glüend/vnd strewe Magnetstein dar-
auff/temperir es in starcken Weinessig/mit ein wenig gemein Salt/
vnd Stein Alaun.

Diese Kunst Stück/Staal vnd Eisen zu härten vnd zu wei-
chen/werden von Theophrasto Paracelso lib.1. Philosoph. Sag-
artes gladiates vel incusæ genant.

**Daß das Eisen scheint/als wann es Kupf-
fer were.**

Nim Menschen Haar/laß sie in Wasser so lange sieden/bis
daß das Wasser wie Blut werde/als denn lesche das glüende Eisen
darinnen/so wird es wie Kupffer.

Eisen glüend zu machen ohne Feuer.

Nim Salpeter ein halb Pfund/Römischen Vitriol 1. Pfund/
vermische es vnter einander/stoß zu Pulver/distillire es in Alembic,
diß Wasser geuß auß Eisen/so wird es glüend. Fallop.lib.1.

Eisen mit Drath von einander seggen.

E

Nim